



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ალეთოლოგიური რეალიზმი

ალეთოლოგიური რეალიზმი, ფილოსოფიური ნააზრევი, რ-ის მიზანია შემეცნების მეთოდის დაფუძნება.

შეიმუშავა შ. ნუსუბიძემ მოღვაწეობის პირველ ნახევარში. ამოცანის სწორი გადაწყვეტა მოითხოვდა არა მხოლოდ სპეც.-ადამიანურის, არამედ სპეციფ.-ადამიანურის გადალახვასაც. ვინაიდან სპეც.-ადამიანური ეკუთვნის ლოგიკურის სფეროს, ფილოს. აზროვნების ამოსავალი პუნქტი უნდა გამოიძებნოს წინალოგიკურში. ასეთია „ჭეშმარიტება თავისთავად“, რ-იც დაცლილია შინაარსისაგან, წინააღმდეგობათა სფეროს მიღმაა და არ ემორჩილება ლოგიკურ კანონებს, ამავე დროს იგი მიმართებათაგან თავისუფალია და განხორციელებული (საპირისპიროდ მსჯელობისა, რ-იც განხორციელებისაკენ მიისწრაფვის). შემეცნების ამოცანაა საგნის არსის შეცნობა, მისი კვლევა კი შემეცნების თეორიას ევალება. შემეცნების არსება ის არის, რომ იგი ინტენციანა და განიხილება უსაგნოდ, მისი შესწავლა უკვე ფენომენოლოგიის ამოცანაა, შემეცნების სტრუქტურა კი ალეთოლოგიის საგანია. შემეცნების სტრუქტურაში თავს იჩენს მისი ორგანზომილებიანობა: ჭეშმარიტება თავისთავად არის წანამძღვარი და ამავე დროს მიზანი შემეცნებისა. ორად იყოფა შემეცნების მეთოდოლოგიაც - გამომდინარეობის მეთოდად და დაყვანის ანუ რედუქციის მეთოდად, რ-იც ფილოს. ძირითადი მეთოდია. მისი დანიშნულებაა „ჭეშმარიტება ჩვენთვის“ დაიყვანოს „ჭეშმარიტებაზე თავისთავად“. ა. რ. იყო ქართ. ფილოს აზრის ახ. გზის ძიება XX ს. 20-იან წლებში.

ლიტ.: ბ ა ქ რ ა ძ ე კ., ჭეშმარიტების პრობლემა და შემეცნების სტრუქტურა, «მნათობი», 1928, № 1; ნ უ ც უ ბ ი ძ ე შ., ალეთოლოგიის საფუძვლები, თბ., 1922; ხ ი დ ა შ ე ლ ი შ., შალვა ნუსუბიძე (ცხოვრება და მოღვაწეობა), თბ., 1989;

Ш е р о з и я А. Е., Философская мысль в Грузии в первой четверти XX века, тб., 1963; N u z u b i d s e Sch., Philosophie und Weisheit, B.-Königsberg, 1931; მ ი ს ი გ ე , Wahrheit und Erkenntnisstruktur, B.-Lpz., 1926.

მ. ხიფაშელი
